

445

G

16



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 16





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 16



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 16



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 G 16

445. G 16.
Ww

DISPUTATIO JURIDICA
INAUGURALIS
DE
Vulgari, & Pupillari Sub-
stitutione.

4j.


Q V A M,
Divinâ favente Clementiâ,
Ex auctoritate Magnifici D. Rectoris,
D. FRIDERICI SPANHEMII, Fil. S. S. Th.
Doctoris, Ejusdemque Facultatis in Illustri Academiâ Lugd.-Bat.
ut & Antiquitatis Ecclesiasticæ, Profess. Ordinarii, dignissi-
mi, Ecclesiasticæ disertissimi, & Acad. Bibliothecarii.

NEC - NON
*Amplissimi Senatûs Academici Consensu, & Nobilissima
Facultatis Iuridicæ Decreto,*

PRO GRADU DOCTORATUS,
Summisque in U T R O Q U E J U R E Honoribus, & Privilegiis
ritè, solenniter, & more majorum consequendis,

Publico examini subijciet

JOANNES ADR. BEECKERTS à THIENEN, Lugd. Bat.
Die 30^{January} Decembris, loco horâque solitis.



LUGDUNI BATAVORUM,
Apud Viduam & Hæredes JOANNIS ELZEVIRII,
Academiae Typograph. 1680.

Reverendis admodum, & Spectatissimis

VIRIS,

D.D. CYPRIANO REGNERO AB OOSTERGA,
J. C. & in Ultrajectinâ illustri Academiâ Cod. Pro-
fessori primario, susceptori de se, studiisque suis
quam optimè merito, Parentis loco ætatem co-
lendo, venerando.

D.D. JOANNI FRIDERICO BÖCKELMANNO,
J. U. D., ejusdemque facultatis in Academiâ Lugd.
Bat. antecessori celeberrimo, ante biennium præcep-
tori, nunc promotori de se meritissimo.

D.D. ANTHONIO MATTHÆO, J. U. D.
hujusque in hac almâ Academiâ facultatis Professori
doctissimo, ante biennium quoque Juridicorum suo-
rum studiorum fundatori, plurimum honorando.

D.D. CHRISTIANO MELDER, Phil. &
Med. Doct. expertissimo, Matheseôs Professori or-
dinario, Academiæque à Secretis, fautori, & amico
suo omni obsequio prosequendo.

NEC NON

Cæteris suis Mecænatibus,

*Ex sincero animi affectu, non minus
quam ex debito cultu,*

Inauguralem hanc disputationem

submitte

D. D. C. Q.

Joannes Adrianus Beeckerts à Thienen,

Auctor.



PRÆLUDIUM.



uam diffusa, difficilis, & intricata sit
Substitutionum materies, testis nobis est
Raphaël Cumanus, qui ex ore Baldi au-
divisse dicitur, quod de eâ consulendo
ultra 15000 ducatorum fuerit consequu-
tus. Spes licet illa mihi non affulgeat,
ipsam hanc (respiciens eo, quod qui nun-
quam malè, nunquam benè) publicè pro gradu disputatu-
rus dubitanter selegi, quam perquam rarò à J. U. Candidato
elaboratam reor, aut tractatam, nam

Apparent rari nantes in gurgite vasto.

*Quo ipso fortè judicio meo nimis tribuisse videbor, ita ut
Thædri fabula 22. lib. 4. de monte parturiente, in me,
haud ineptè, queat referri, & illud Horat. de art. Poët.
mihi ob stare possit praeceptum:*

Sumite materiam, vestris quam creditis æquam
Viribus, & versate diu, quid ferre recusent,
Quid valeant humeri.

& ejusdem isthoc:

Rem tentare pudor, quam vires ferre recusant.
Atque hoc modo in me experiar.

Magna petit Phaëton, & quæ non viribus istis
Conveniunt.

A 2

Nec

Nec non probè scio, hodie, proh dolor! more ita esse comparatum, ut, quam primum aliquid in lucem prodit, ex quo aliqua laus, licet minima, promanare possit, ejusmodi homines existant, qui omnem detrahendi, obtrechandive locum sic arripiunt, ut ex alienâ ignominiâ sibi laudem, & gloriam, (qua tamen non inde, sed à radice virtutis oritur, & ipsius lumine duntaxat illustratur) querere, & comparare præsument, nempe in aliorum

—— Vitiis tam cernunt acuti,

Quam aut Aquila, aut Serpens Epidaurius.

Sed: quis mihi dabit coquum, qui omnibus, & singulis sapidos apponat cibos? nec mirum hoc,

—— Etenim, nec Iuppiter ipse,

Seu pluat in terris, abstineatve, placet.

Satis itaque mihi persuasum habeo, multos hâc de meâ dissertatione, τωπῶδ᾽, crassâ, ac pingui Minervâ conscriptâ, sinistrè judicaturos, & facile fateor, dum, tenuitatis meâ mihi optimè conscius, penitus vires meas tenellulas considero, earumque levitatem, exilitatemque trutino, meoque me modulo metior, mihi accidere, sicut illi apud Horat. Serm. lib. 1. Sat. 10. ut

Sæpe caput scaberet, vivos & roderet ungues.

Speratum tamen volo, nihilominus hoc meum conamen in meliorem partem non ironicè acceptum iri, dandum enim aliquid atati, nec turpè est, non assequi, dum modò sequimur: ut scitè Sen. lib. 5. de Benef. cap. 5. Iactâ ergo aleâ, id impleat voluntas, quod abnegat facultas.

DISPU-

A

DISPUTATIO JURIDICA

INAUGURALIS

D E

Vulgari , & Pupillari Substitutione.

T H E S I S I.



Ariatim Substitutionis usurpatur verbum , patetque latius ejus significatio , cumque sit genus homonymum , vix in genere , per unam generalem definitionem rectè , & commodè poterit explicari , propriè ea comprehendens , quæ subordinantur , sufficiuntur , & surrogantur ; eo modo mihi videtur definire Zasius ; quando inquit : *Substitutionem nihil aliud esse , quam sequenti loco factam subordinationem* : ita Substituuntur judices , ita procuratores , ita tutores . l. pen. ff. jud. solv. l. 39. §. 11. ff. de Adm. Tut. ita ab usufructuario Substituuntur arbores , l. 18. l. 59. pr. ff. de Usufr. l. 45. §. pen. ff. de jur. Fisc. §. 38. Inst. de R. D. cum in locum demortuarum , vel infructuosarum reponuntur aliæ , l. 14. pr. ff. de Imp. in res dot. fact. similiter Substituuntur pecora , l. 69. ff. de Usufr. l. 22. ff. de Leg. 1. d. §. 38. Inst. de R. D. & si quæ similia :

I I.

Nec non coarctatur ad ultimas voluntates , in quarum favorem , ne fierent irrita , & caduca testantium judicia , neve sine herede decedant , Substitutiones sunt introductæ , l. un. pr. C. de Cad. Toll. in quibus rursus eâ voce utuntur juris auctores non tantum , cum loquuntur de *directâ Substitutione heredis* , sed etiam , cum agunt de fideicommissis tum hereditatis , tum rerum singularum , l. 41.

A 3.

§. 3.

§. 3. ff. h. l. 57. §. 1. & 2. ff. ad Sc. Trebell. l. 6. C. de Inst. & Subst.
l. 14. C. de Fideic. l. 64. l. 77. §. pen. l. 87. §. 2. ff. de Leg. 2. l. un.
§. 7. in fin. C. de Cad. Toll. Vid. Donell. 6. comm. 23. Vacun. 4.
declar. 61. n. 6.

I I I.

Et hinc vulgo dividitur Substitutio in *directam*, & *fideicommissariam*: *Directa* est, per quam Substitutus directè, & immediatè capit testatoris hereditatem, non per interpositam personam, & fit verbis directis, qualia sunt. *heres esto*, *do*, *lego*, *sumito*, *capito*, *habeo*; quæ etiam civilia nominantur l. 7. ff. h. & imperativa l. 15. C. de Testam. itemque verba legatorum l. ult. C. de Fals. caus. adj. leg. *Fideicommissaria* vocatur, quæ alterius eget operâ, ubi per obliquum, seu manum alterius hereditas defuncti ad aliquem devolvitur, & fit verbis precariis, qualia sunt; *volo*, *peto*, *rogo*, *mando*. & similia, quæ alias inflexa dicuntur: d. l. 15. C. de Test. & precativa, itemque verba fideicommissaria. Ulp. in fragm. t. 24. Glossographi ad l. 15. ff. h. verba etiam communia esse dicunt, quæ ad utrumque significatum possunt adaptari, ut *Remaneat*, *pertineat*, *detineat*, *habeat*, *succedat*, *devolvatur*, *revertatur*, *deferatur*, *consequatur*. Schneidew.

I V.

Verum hæc improprie dicitur Substitutio, propterea, quod per eam Substitutus non fiat verus heres, sed duntaxat loco heredis quodammodo habeatur. §. 3. Inst. de Fideic. hered. Unde Substitutus proprie loquendo à fideicommissario distinguitur, l. 6. §. pen. ff. ad Trebell. & C. de Inst. & Subst. & Rest. sub cond. fact. in rubr. Vid. omnino §. 9. Inst. de Pup. Subst. l. 5. C. de Imp. & al. Subst. ex in Substitutione non detrahitur, nec defalcatur quarta. Consule D. Cypr. Regn. ab Oost. Vinn. Pac. Wesemb. Ut, ut sit, *fideicommissaria Substitutio* non pertinet ad hunc locum, sed ad d. tit. de fideic. hered. Potest quoque Substitui in legatis l. un. §. 7. in fin. C. de Cad. Toll. l. 6. C. de Legat. l. 50. pr. ff. de Leg. 2. l. 32. ff. de Leg. 3. in mortis causa donationibus d. l. un. §. 7. d. l. 50. pr. l. 10. ff. de Mort. caus. donat.

V. Cum

Cum igitur sit nomen generis, & speciei, in præsentia de *directâ Substitutione Heredis*, ne in multas hæc disputatio excre-
 sceret paginas, speciatim differere decrevi. Ea, sic licet, definia-
 tur: *Substitutio est secundi heredis institutio*, quæ fit post primam in
 locum deficientis, secund. Gloss. & DD. *sup. Rubr. ff. h. l. 1. l. 43.*
§. 2. infim. ff. h. Vel secundo, ulteriorive gradu facta Institutio,
 nam testator, quocunque heredum gradus velit facere, potest,
 ita ut novissimo loco in subsidium servum necessarium instituere
 heredem liceat, *l. 36. pr. ff. h. pr. Inst. de Vulg. Subst.* Hos secundos,
 & tertios heredes veteres appellitarunt, propterea quod secundo,
 & tertio gradu instituti erant: Gradum heredis dicimus, ut
 cognatorum, quod remotior in locum propioris deficientis
 succedat.

VI.

Rectè hic ordo gradus appellatur, Donnell. 6. *comm. 23.* At-
 que gradus non ex numero personarum, nec ex ordine scripturæ,
 sed successionis sunt numerandi: *l. 2. §. 6. ff. h.* Ideoque gradus
 non significat locum, ut *Accursius* putavit, cum inter gradum, &
 locum magna sit differentia, nam heres in testamento, aut primo,
 aut medio, aut novissimo loco rectè scribitur *l. 20. ff. de hered. Inst.*
 At heres non nisi primo gradu institui potest, *l. 1. pr. ff. h.* Ul-
 pian. in *Fragm. tit. 22.* Idem enim est, sive testamentum, vel
 institutio in testamento ita concipiatur: *Cajus heres esto, Si Ca-*
jus heres non erit, Titius heres esto: Sive ita: *Si Cajus heres non*
erit, Titius heres esto, Cajus heres esto; Utroque casu *Cajus* est
 heres institutus in primo gradu, *Titius* in secundo, quamvis
 in priore casu *Cajus* primo, *Titius* secundo loco scripti sint he-
 redes, in secundo autem casu loca sint inversa, quia primo
 loco scriptus est *Titius*, post *Cajus*. *l. 28. ff. de hered. Inst. l. 2.*
§. 5. & 6. ff. h.

VII.

Dividitur *Substitutio* hæc rectè salvo aliorum iudicio in *Vulga-*
rem

rem, & Pupillarem, ad quarum alterutram omnes formæ substituenti possunt referri: l. 1. §. 1. ff. h. arg. Rubr. Inst. & ff. eod. arg. l. 8. C. de Imp. Subst. ubi duarum tantum substitutionis specierum fit mentio, vulgaris, & pupillaris, de cæteris altum est silentium. Cujac. in d. l. 8. Borch. & Vult. pr. Inst. de Vulg. Subst. Vigl. Myns. Hotem. h. Gaj. 2. Inst. 1. 4. Etenim, si genera Substitutionum à casuum differentiis sint distinguenda, poni plura, quam duo, minimè debent, sicut nec plures sunt casus, in quos fit Substitutio, quam hi duo, unus, si institutus heres non erit, qui casus primus dicitur, & est vulgaris Substitutionis conditio; alter, si heres erit, & intra pubertatem moriatur, qui secundus, & proprius pupillaris l. 4. l. 45. ff. h. d. l. 8. C. de Imp. Subst. ut fusiùs infra explicabimus, quamvis ferè omnes dissentiant, & dissimiliter Gomez. 1. var. resol. 3. pr. sex species ponit, aliter Duaren. h. c. 2. Soar. in add. ad Gomez. c. 3. n. 16. qui quatuor ponunt, quas recenset Wesemb. parat. h. Verum tamen mens eadem perstat inflexa mihi,

Nec mea jam mutata loco sententia cedit.

Aliis plures, aliis pauciores species statuentibus D. D. communi calculo quinque tradunt: Vulgarem, Pupillarem, Exemplarem, Breviloquam, & Compendiosam.

VIII.

De Vulgari, & Pupillari, obiter, & quasi in transitu explicatis Exemplari, Breviloquâ, & Compendiosâ, statim dicemus. Exemplarem satis insulsè, quæ etiam Justinianeâ appellatur, vocant Substitutionem mente capti: Breviloquam, cum heredes instituti invicem substituuntur, quæ etiam Reciproca dicitur l. 4. §. 1. ff. h. quasi retroducta, repetita, reflexa, item mutua l. 64. ff. de Leg. 20. exemplum exstat apud Suet. in Tiber. cap. ult. Compendiosam, quæ sub hoc compendio, quandocunque decesserit, plures substitutiones complectitur, plures casus, & tempora. Verum enim vero substitutio (ut ita loquar) exemplaris, de quâ agitur §. 1. Inst. de Pup. Subst. ἀναλόγως potest referri ad Pupillarem, & potest dici species pupillaris Substitutionis latius sumptæ, commodiorem nomine appellatur quasi Pupillaris: ut enim scribit Arist. 1. Eth. Ἀγαθὸν δὲ εἶναι νέον τι καὶ ἡλικίαν ἢ τὸ ἦν νεαρόν, nihil refert, utrum quis ætate, an moribus puer sit: quomodo eadem ratione quasi castren-

castrense peculium dicitur; quod ad castrensis peculii exemplum sit inventum, *l. fin. §. 1. C. de inoff. test.* sic etiam hypothecaria actio ad exemplum Servianæ introducta, non exemplaris appellatur, sed quasi Serviana: *§. 7. Instit. de act. Reciproca, & Compendiosa* non sunt tam Substitutionis species, quam substituendi formulæ, & modi.

IX.

Nec Militaris separata species est facienda, quâ miles ultra pubertatis annos pupillariter substituit. *arg. l. 15. ff. h. quoniam privilegiata illa substituendi ratio non videtur constituere speciem singularem, licet Salicet. in l. 8. gl. C. h. n. 17. statuatur, eam esse speciem substantificam, & per se distinctam.* Nec hæc Substitutio valet jure directo, ut *Wesemb. adh.* opinatur, sed ex causâ fideicommissi; textus est rotundus, & planissimus in *l. 8. C. de Imp. subst. junct. l. 15. l. 7. l. 14. ff. h. Fach. l. 4. c. 43. & lib. 13. c. 75. contr. jur.* Et si multi hanc opinionem respuant.

X.

Redeo ad divisionem in *Vulgarem, & Pupillarem*; *Vulgaris*, (sic dicta, quod vulgo, sive in vulgarem casum fiat) est, quæ fit à quolibet testatore, cuilibet heredi in casum primum, quo heres non erit: *l. 8. C. de Imp. subst. pr. Inst. de vulg. subst. Salom. & Vigl.* eam definiunt: quæ à quocunque, de quocunque, & in quemcunque casum concipi potest. Quibuscunque ergo personis vulgariter substituere permittitur, tam puberibus, quam impuberibus, tam liberis nostris: *pr. Inst. de Pup. subst.* quam extraneis: *t. t. Inst. de Vulg. subst.* imo & servis: *arg. l. 41. ff. de Hered. Inst.* Sed si testator servo alieno, quem patremf. errore ductus arbitrabatur, instituto alium substituerit, hereditas per semisses inter dominum servi, cujus jussu hereditas adita est, & substitutum æquis portionibus dividetur *§. 4. Inst. de Vulg. subst.* ubi dicitur, substitutum in partem admitti, sc. dimidiam, cum partes ἀπλῶς, & in dubio positæ intelligantur æquales: *l. 43. ff. de V. usufr. l. 164. §. 1. ff. de V. S. alias Substitutus cum instituto non admittitur. l. 3. ff. de Adq. vel omit. hered.*

B

XI. Fit-

XI.

Fitque verbis tam *Generalibus*, quam *Specialibus*. *Generalibus* ita: *Si Titius heres non erit, Sejus heres esto*, quæ omnem casum voluntatis, & impotentia complectuntur: fac. l. 56. ff. Sol. Ma-
trim. dos quemad. pet. qui uterque exprimitur nominatim in l. 3. C. de Hered. Inst. & sic multis modis accidere potest, ut Titius heres non sit: *Specialibus* ita: *Si noluerit, Si non potuerit*: Duaren. h. c. 9. sub casu impotentia iterum sunt inferiores, & quasi species infima, Veluti, V. C. si premortuus sit, si deportatus sit. Bach. ad Treutl. vol. 2. disp. 11. Thes. 6. L. A.

XII.

Utrum uno casu speciali expresso, *si noluerit, vel non potuerit*, alterum semper interpretatione sit supplendum?

Sape mihi dubiam traxit sententia mentem.

Verum verior mihi negantium videtur opinio, arg. l. 21. ff. h. arg. l. 10. ff. de Liber. & Posth. hered. arg. l. 1. §. 2. ff. de Procurat. Duaren. h. c. 9. Clar. d. §. q. 76. num. 10. Mantica de conject. ultim. volunt. l. 5. t. 1. num. 3. & alii, quos commemorat Alex. Trentacinq. de subst. Part. 1. c. 1. num. 25. Quicquid repugnent Gomez. 1. var. resol. 3. num. 10. Bart. num. 13. Jas. num. 3. & seqq. Socin. Ripa in l. 1. ff. h. Marian. Socin. Jun. in cons. 176. l. 1. & cæteri, quos refert, & sequitur idem Alex. Trentacinq. loco superius annotato.

XIII.

Substitui heredes possunt, & plures uni, & unus pluribus, & singuli singulis, & plures pluribus: §. 1. Inst. de vulg. subst. l. 36. §. 1. ff. eod. Plures uni: *Quintius heres esto, si Quintius non erit, Sextius, & Septimius sunt*. Unus pluribus: *Octavius, & Nonius heredes sunt, si non erunt, Decius esto*. Singuli singulis: *Titius heres esto, si non erit, Mævius esto*. Plures pluribus: *Titius, & Mævius heredes sunt, si non erunt, Flavius, & Sejus sunt*. & servus homini libero, (ut supra dictum) & homo liber servo, pr. & §. fin. Inst. de vulg. subst. & denique inter se invicem, d. §. 1. Inst. de.

de vulg. subst. d. l. 36. §. 1. ff. eod. l. 37. §. 1. ff. de Hered. Instit.
 Ita: Publius, Marcus, Gajus heredes sunt, invicemque substituti sunt.
 quæ à Modestino reciproca vocatur l. 4. ff. h. vide sis Thes. nostr.
 8. Et substitutus substituto est etiam substitutus instituto, §. 3.
Inst. de vulg. subst. l. 27. ff. h. licet substitutus sit coheredi d. §. 3.
d. l. 27.

XIV.

Illud obtinet, si ex disparibus partibus heredes scriptos testator invicem substituerit, nullâ in substitutione partium mentione habitâ, quod easdem videatur in substitutione partes dedisse, quas in institutione expressit: §. 2. *Inst. de vulg. subst. l. 24. l. 41. §. 1. ff. eod.* & ita Divus Pius rescripsit: d. §. 2. cujus constitutio existat in l. 1. C. de Imp. subst. Finge itaque tres esse institutos heredes, unum ex uncia, secundum ex besse, tertium ex quadrante, & hos sibi invicem substitutos, partem suam repudiante tertio, in novem quadrans dividetur partes, feretque octo secundus, ex besse institutus, reliquam partem primus, ex uncia scriptus d. l. 24. ff. h. non est enim verosimile, pluris eos testatorem fecisse in substitutione, quam in institutione: & ita semper fit divisio, nisi voluntas defuncti refragetur evidens; d. l. 24. aut nominum expressio aliud suadeat, arg. l. 24. & seq. ff. ad SCr. Treb: l. 124. ff. de leg. 1. Quapropter Ulpian. in d. l. 24. utitur particulâ *Plerumque*. Vinn. ad d. §. 2. *Inst. num. 1. & 2. Borch. eod.*

XV.

Quæstio est non vulgaris, num *vulgaris substitutio* convalescat, si minor adiverit hereditatem, & beneficio ætatis in integrum adversus aditionem fuerit restitutus? Dixerim, substitutum admittendum esse: arg. l. 44. ff. de Re Jud. Siquidem necessum sit, ad excludendum vulgarem substitutum, hereditatem cum effectu esse aditam, omniaque, restitutione concessâ, in pristinum statum reponuntur. Quod significanter significat l. 24. §. 4. ff. de minor. Zas. in tract. subst. c. 1. Donn. 6. Comm. 24. Mynsing. pr. *Inst. de vulg. subst. num. 10.* Quæ opinio recepta est, &

pro certâ tradita, à Gloss. Cyn. Salicet. & aliis in l. 5. c. de Impub. & al. subst. Contrar. tuentur Cujac. ad l. 7. §. 10. ff. de minor. Duar. in comment. ad t. h. ff. in c. de effect. vulg. subst. cui responsum solidum dat, ac subtile Ant. Fab. 3. cons. 4. quod videre est apud Fachin. lib. 4. Controv. Jur. c. 73.

X V I.

Filiofamilias, cui vulgaris datus est Substitutus, hereditatem invito patre repudiante, Utrum admittatur pater? Utrum Substituto locus sit? merito ambigitur: Ego Substituto iterum favorabilior sum, eumque præferendum esse, juri convenientius, & magis consentaneum, existimo: arg. l. 3. c. de Hered. Instit. Vigl. ad §. 4. Instit. de Vulg. Substit. Salicet. in l. ult. c. de bon. quæ liber. Vinn. ad §. 4. num. 1. Donell. 6. comm. 24. Polit. de Vulg. Substit. num. 44. & seqq. Fachin. lib. 4. contrav. Juris c. 63. Ant. Fab. Decis. 33. err. 7. Actum agerem, si omnes LL., & rationes, quibus nititur hæc opinio, adducerem, cum disertè, & dilucidè illæ apud Bachov. in Treutl. vol. 2. disp. 11. thes. 7. lit. E. inveniantur tractatæ. Non paucis sese nihilominus graviter opponunt, & neganti Duar. in comm. ad tit. Instit. de Vulg. Substit. c. 10. adstipulantur Bart. in l. 1. ff. h. Aretin. Socin. ibidem. Jaf. in l. 3. c. de Hered. Instit. num. 12. Gloss. Cyn. Castr. Merend. 4. contr. 8. & Hunn. l. 2. tract. 6. quæst. 5.

X V I I.

Disputant insigniter D. D. si filius, suus heres vulgarem acceperit Substitutum, ane hoc ipso ex necessario fiat voluntarius? Sunt, qui affirmant; sunt, qui negant: Affirmant, & ajunt Vigl. ad §. 1. Instit. de Vulg. Substit. num. 8. Pac. Isag. ad tit. ff. de Cond. Instit. membr. 10. Accurs. Bachov. in Treutl. vol. 2. disput. 12. thes. 3. lit. B. Vinn. ad princ. Instit. de Vulg. Substit. num. 5. & in princ. de Pup. num. 8. Negant, & pro contrario militant Anton. Fab. decis. 32. err. 6. & 7. Hunn. lib. 2. tract. 6. quæst. 15. quibus assentior, inque eorum sententiam adducor, per auctoritat. l. 44. ff. de re jud. in quâ proponit Scævola, Pupill. sese bonis

bonis paternis abstinuisse, atqui verissimum est, neminem se hereditate abstinere, nisi suos, & necessarios, §. 5. *Instit. de hered. qual. & diff.* per auctoritat. §. 2. *Instit. eod.* ubi, qui suus vocatur, idem & necessarius dicitur: rationes reliquas, quas profert in medium Hunn. *ex l. 4. ff. h. junct. l. 4. ff. de acq. vel omitt. hered. & l. 12. ff. h. ex l. 45. ff. h. junct. l. un. §. 5. C. de Cad. toll. & l. 8. C. de suis & leg. lib. &c.* depromptas, videas, licet, apud eundem *d. quest. 15.*

X V I I I.

Supereft, ut breviter de *Pupillari Substitutione* loquamur, quæ ita est dicta, quod solis pupillis eâ substituatur, & fit liberis impuberibus in potestate constitutis in casum secundum, si heredes extiterint, & antequam in suam tutelam venerint, (id est intra pubertatem, quibus verbis plerumque addebant, quod abominor, exempl. est in *l. 85. ff. de Hered. Instit. in l. 41. §. 8 ff. h.*) decesserint: Quæ, ut valeat, liberos patriæ potestati subjectos esse, non tantummodo tempore paternæ mortis, ut putant Bart. Accurs. in *l. 2. ff. h.* & vulgo Interpp. Grass. §. *Substit. quest. 25. num. 5.* sed etiam tempore institutionis, oportet: nam cum ad constitutionem alicujus actus qualitas aliqua requiritur, ea inesse debet eo tempore, quo actus geritur, *l. 49. §. 1. ff. de Hered. Instit. §. 4. Instit. de hered. qual. & diff.* & tritissimum est, quod ab initio non consistit, illud tractu temporis non convalescere: Confirmat etiam non parum sententiam nostram textus apertissimus in *l. 41. §. 2. ff. h.* in verbo quoque, & sic concludunt Jaf. Polit. Zaf. Govean. in *l. 2. ff. h.* Angel. Aretin. Vigl. ad princ. *Instit. de Pupill. Subst. num. 7. & 8.* Covarruv. in *c. Rayn. de testam. §. 5. num. 2.* Duar. comm. ad *b. t. c. 14.* Donn. 6. comm. 25. & 35. Hunn. *l. 2 tract. 6. quest. 11.* & quamplures alii,

Quorum numerus numero vix clauditur ullo: Pal:

Quibus ex jam dictis facile, & evidenter potest colligi, patrem non posse substituere emancipatis *l. 2. princ. ff. h. sive natis ex concubinâ, sive adulterinis, sive spuris, sive ex damnato coitu natis, & similibus*, quia, hos in potestate patriâ non esse, nemo est, qui ignorat: nec etiam matrem, nam illam in suâ potestate liberos non habere, enucleati juris est: §. 10. *Instit. de Adopt. & §. 3. Instit. de hered. qual. & differ.* nec avum maternum, ex eâdem ratione; Neque ad rem pertinet quod habetur in *l. 33. princ. ff. h.* quoniam tabulæ pupillares ibi à matre fieri dicuntur, non quia pupillarem, sed quia vulgarem pupillo factam substitutionem continent: *Cujac.* putat pro tabulis pupillaribus legendum esse, tabulis pugillaribus, sed divinatoria hæc est responsio, rectius igitur (bonâ summi Jurisconsulti pace) prima resistens funditus satisfacere valet.

Verum rectè exheredatis pupillariter Substitui potest: §. 4. *Inst. de Pup. Subst. l. 1. §. 2. l. 47. ff. h.* in casu sc: singulari, quo pupilli pubertati proximi ingrati argui possunt, & doli, & injuriæ sunt capaces *l. 111. ff. de R. J.* Quod etiam aptè notat *Bart. in l. 2. ff. h. num. 19.* Quæ Substitutio exheredato facta emolumenta pupilli complectitur adventitia. Unde abunde liquet non ab institutione, sed à patriâ potestate dependere facultatem pupillis Substituendi, & ea provisionem futuri heredis continet, non onera, quæ aliis non sunt imponenda, quam iis, quos honoravit defunctus, & tantum pro modo relictis: *l. 41. §. 3. ff. h. l. 1. §. 6. ff. de Leg. 3. l. 9. C. de Fideic.* proinde pater à filio exheredato legare, aut fideicommissum relinquere minimè potis est, *d. §. 3. Vinn. ad d. §. 4. Inst. num. 1. & 3.* Nec tantum natis, sed & posthumis parens ita substituit, *d. §. 4. l. 2. pr. ff. h.* exemplum est in *l. 46. ff. eod.* & quidem olim tam exheredatis quoque, quam institutis; Ex Novella vero Justiniani lege, eo quod ingrati probari non possint, aut causa exheredationis testamento inseri, neque posthumi, neque infantes amplius sunt exheredandi. *Auth. non licet, ib. DD. C.*
de

de liber. prat. Item Nepotibus, cæterisque descendentibus datur Substitutus, si modo proximum in familiâ testatoris gradum obtineant, alias recasuris in potestatem patris sui, ex formulâ L. Vellejæ. l. 2. pr. ff. h. l. 29. §. 3. ff. de Liber. & Posth. hered. ut ita testetur avus: *Filius meus heres esto, si filius meus me vivo moriatur, nepos heres esto, & si nepos heres non erit, Lucius heres esto.*

XXI.

Atque cum esset honorificum impuberibus, heredem habere testamentarium, iudicio patris datum, & perquam utile, quia vita pupilli agnatorum insidiis, auri sacrâ fame laborantium, non est exposita, quamdiu, quis successurus ignoratur, in gratiam, & favorem ipsorum impuberum hæc *Substitutio* est adinventata, & quia pro salute liberorum erant solliciti l. 77. §. 24. ff. de Leg. 2. testaturi parentes cavere solebant, ne vivo, & impubere filio tabulæ pupillares aperirentur, ut declarat §. 3. *Instit. h.* nam ut Theoph. ἔδειξ ἀκερδῶς ἐπιτελεσθαι τῷ πεπίττω: *Nemo sine lucro pupillo insidiabitur.*

XXII.

Quo in d. §. 3. *Instit.* Imperator dat consilium parenti formidoloso: quod si sequatur, liberi sine periculo vivere poterunt. Etenim, (quod abominor)

Inter mortales regnant fraudesque, dolique,

Et nulla est pietas, pæctoribusque fides.

Nota est *Milesia*: cujus pro *Cluentio Tullius* meminit, quæ, acceptâ à Substituto pecuniâ, partum suum medicamentis abegit, necavitque: l. 39. ff. de pæn. hinc illud *Persianum*, Sat. 2.

— *Pupillumve utinam! quem proximus heres*

Impello; expungam.

Notus sceleratus iste tutor cruci olim affixus à *Sergio Galbâ*, quod pupillum, cui substitutus erat, veneno sustulisset: *Suet. in Galbâ c. 9.* Cætera exempla, ut ad disputationem minimè pertinentia, apud *Vinn.* & alios ad d. §. exstantia (ne sim polyloquides) silentio prætereunda, præteribo.

XXIII. Di-

Dicit Imperator noster §. 2. *Inst. h.* In pupillari Substitutione duo quodammodo esse testamenta, alterum patris, alterum filii, quo intuitu illud testamentum, in quo pupillariter filio pater substituit, duplex dicitur à Gajo J Cto in l. 79. ff. *ad leg. Falcid.* & ab Ulpiano in l. 1. §. 1. ff. *Si cui pl. quam per l. Falcid.* Quia nimirum ipse filius sibi heredem quasi facit: substitutus enim pupillariter ipsi filio fit heres, non patri; quia pater scripturam sibi testamentum condere potest, filio nuncupatione, & contra, §. 1. l. 20. ff. *h.* Ob ea, quæ proponuntur in l. *Julian.* 42. ff. *de Acquir. vel Omitt. hered.*; quæ in l. 2. §. 1. ff. *h.* & in l. 11. §. 1. ff. *ad Trebell.*; quæ in l. 8. ff. *Testam. quemad. aper.*; quæ in l. 16. §. 1. ff. *h.* Videas prorsus, si vacat, Vinn. ad d. §. 2. *Inst.* Vel unum testamentum duarum causarum, i. e., hereditatum d. §. 1. 2. §. 4. d. l. 20. ff. *h. l.* 28. ff. *de reb. auct. jud. possid.* ideo videlicet, quod unum duntaxat auctorem habeat; quod in patris, & filii tabulis una Falcidia servetur l. 11. §. 5. ff. *ad l. Falcid.*; quod septem testes, & totidem sufficiant signa. d. l. 20. *princ.* ff. *h.* Cætera apud Vinn. eod. §. & Hotomann. Mihi arridet; ut, quemadmodum codicilli pars sunt testamenti, ita pupillare testamentum testamenti paterni sequela, & principalium tabularum appendicula esse videatur. l. *pen.* ff. *testam. quemadmod. aper.*

Quæ cum ita sint, neminem liberis suis posse Substituere, nisi sibi primo heredem instituerit, in comperto est. §. 5. *Inst. h.* Sine heredis enim institutione nihil in testamento scriptum valet. §. 3. l. 1. ff. *h.* Neque convertendus est scripturæ ordo, ut rectè putat Julian. l. 2. §. 4. & §. *ultim.* ff. *h.* Contr. Govean. l. 1. *var. lect.* 8. nisi tamen Substitutioni conjunctim adhæreat institutio. d. l. 2. §. 5. ff. *h.* nam in his, quæ eodem tempore, ac contextu fiunt, magis attenditur testatoris voluntas, & nullus in conjunctionibus est ordo. l. 14. ff. *de Pecul. leg. arg.* l. 28. ff. *de Hered. Instit.* DD., hanc sententiam communem approbantes; videre licet apud Vinn. ad d. §. 5. *Instit.*
num.

nam. 1. Cum ergo tabulæ secundæ non suis, sed principalis testamenti nitantur viribus, illæ, rupto principali, evanescent. *l. 2. pr. ff. h. Fac. l. 129. §. 1. l. 178. ff. de R. I.* Hodie nihilominus durabunt tabulæ pupillares, licet testamentum patris sit nullum ex causâ præteritionis, aut per querelam expugnatum, quemadmodum cætera, præter institutionem, salva manent. *Nov. 115. c. 13. in fin. Auth. ex causa, C. de liber. præter.*

XXV.

Substituatur Impuberi *specialiter*, vel *nominatim*, aut *generaliter*. *§. 7. Instit. de Pup. Subst. Nominatim ita: Titius filius meus heres esto, si heres non erit, vel impubes morietur; Cajus heres esto. Generaliter, si pluribus heredibus institutis testator substituatur ita: Quisquis mihi heres erit, idem filio meo impuberi, intra pubertatis annos morienti, heres esto. l. 3. l. 8. §. 1. l. 10. ff. h. l. ult. C. de Imp. & al. Subst. quæ substitutio generalis conditionalis est: d. l. 8. pr. & ideo ex eâ tantum vocantur ii, qui nominatim scripti sunt heredes, & patri directo heredes extiterunt, non ii, qui patris hereditatem per successionem, per consequentiam, aut per alium amplectuntur; itaque nec heredis heres, nec is, cui per fideicommissum hereditas restituta est, nec pater, qui per filium, nec dominus, qui per servum heres factus est, ad substitutionem admittetur: *dd. l. 3. & l. 8. §. 1. ff. h. & pro quâ parte quisque heres est, ex eâdem intelligitur substitutus: d. §. 7. Instit. h. l. §. 1. l. 8. §. 1. in fin. ff. eod. ita ut hic quoque locum habeat regula, quæ in §. 2. Instit. de Vulg. Subst. traditur, de quâ supr. Thes. 14.**

XXVI.

Sub *vulgari* casu expresso tacitum contineri *pupillarem*, liquidum, & certum esse, nullus dubito: E. G. Pater impuberi filio instituto heredi substituit ita: *Si filius meus heres non erit, Sempronius heres esto*: sic, inquam, in primum casum substitutus *Sempronius*, etiam in secundum casum acquisitæ hereditatis, & mortis, antequam in suam tutelam venerit impubes, substitutus censetur: *l. 4. pr. ff. h. nisi tamen testatoris voluntas apertè, & manifestè*

C

festè

festè sit contraria: d. l. 4. §. 2. ff. h. l. 4. l. 8. C. de Imp. & al. Subst. quæ omnimodè servanda: arg. dd. ll. Percurr. Gloss. ad d. l. 4. Ant. Fabr. Vigl. ad pr. Inst. de Pup. Subst. n. 19. Wefemb. ibid. n. 1. Hotomann. Vinn. ad d. pr. eod. n. 5. & ad h. t. in jurispr. contr. Tuning. ad d. pr. Treutl. Select. disp. vol. 2. disp. 11. th. 8. lit. F. & ibid. Bach.

XXVII.

At, an vice versâ, expresso pupillari tacitus vulgaris insit, agitata fuit nobilissima quæstio, satis equidem anceps, & ambigua, inter jurisperitorum eloquentissimum Crassum, & eloquentium jurisperitissimum Scaevolam, quâ in extricandâ mirum in modum sese torserunt Interpp. Ego maximè maximorum virorum perpendens argumenta, & judicium meum quaecunque interponens Crassi affirmantis à partibus sto, qui latè, & copiosè suam sententiam judicio centumvirali defendit, probavitque, Cic. pro Cæcinn. Moveor per l. 4. in pr. & §. 2. ff. h. D. D. communissimè h. & ibid. Alciat. Hotomann. in fin. §. 5. Inst. de Pup. Subst. Vinn. ad id. pr. Inst. num. 6. Hunn. lib. 2. tract. 6. quæst. 7. Treutl. & Bach. d. super. lit. F. dubitante Curt. in l. 8. C. de Imp. Subst. ut refert Covarruv. Expressè divortium facientibus Polit. quæst. 8. num. 39. ad pr. Inst. de Pup. Subst. Vigl. eod. num. 19. & prolixè Ant. Fab. dec. 32. Err. 9. & 10.

XXVIII.

Hinc *ομφῶς*, & patenter patet, utramque substitutionem distinguere in expressam, & tacitam: quæ sit expressa, & tacita vulgaris, quæ expressa, & tacita pupillaris, affatim explicat Schneid. ad tit. Inst. de vulg. subst. num. 9. & ad tit. de Pup. subst. num. 4. ut nostro non sit opus labore, præsertim cum res nullam habeat difficultatem, & quodammodo ex præcedentibus possit cognosci. Sed videamus, an expressa pupillaris substitutio heredes omnes legitimos, & etiam matrem à successione filii defuncti excludat? quod planè est affirmandum, l. 8. §. 5. ff. de inoff. testam. l. 9. C. de Imp. subst. Vinn. ad pr. Inst. h. num. 10. Bronch. cent. 3. assert. 34. Quin & eadem mater quoque quoad legitimam removeatur, non est dubium,

bium, quod jure Cæsareo d. l. 8. §. 5. ff. de inoff. test. & Pontificio c. 1. de Testam. l. 6. satis, superque cautum est. Barth. ad d. l. 8. §. 5. ff. de inoff. Gomez. 1. var. resol. 4. num. 7. Vinn. ad d. pr. num. 11. Fach. l. 4. contr. 42. Ubi D. D. quorundam distinctiones, sententiarumque diversitates docet: Imo tacitam locum habere, licet mater in medio existat, puto verius, quod perspicue à sensu contrario confirmatur per l. 2. C. de Imp. & al. subst. Fac. l. 4. eod. & l. 45. ff. d. t. Vigl. ad pr. Inst. de Pup. subst. num. 16. & 17. Salicet. Donn. in l. 8. num. 5. C. h. t. Vinn. ad d. pr. num. 12. Nobis nihilominus litem movent, ac serio in contrarium disputant Gomez. 1. var. resol. 4. num. 8. Covarr. Cujac. lib. 12. observ. 27. in fin. Fachin. lib. 4. contr. 40. & 41. quæ capita inspectione perquam digna sunt.

XXIX.

Sicuti vulgaris substitutio, aditâ per institutum hereditate, expirat: l. 5. C. de Imp. subst. ita pupillarem substitutionem pubertate evanescere certo certius est: §. 8. Inst. de pup. subst. & ita evanescere, ut ne quidem post illud tempus in fideicommissum spectetur: l. 7. ff. h. l. 14. eod. d. §. 8. Inst. de Pup. subst. Accurs. tamen exempl. Gloss. h. Mant. 7. de conject. ult. volunt. t. 3. num. 9. Gomez. 1. resol. 7. num. 2. Christ. vol. 4. decis. 16. num. 5. & comm. D. D. vehementer negant; sed satius est, cum unâ lege aliquid statuere, & ferrum rationis, quam auctoritatis plumbum in pretio habere, quam cum 100 DD. opinionibus in pejus ruere, nec desunt, qui affirmativam veram esse contendunt, ut sunt Cujac. 11. observ. 25. Govean. in d. l. 7. Paul. Buf. ad l. 15. ff. h. Ant. Fab. 15. conj. 12. & 14. Vinn. ad d. §. 8. Inst. Hunn. lib. 4. tract. 6. quest. 13. Fach. l. 4. contr. 44. Alciat. l. 1. parad. c. 5. testatur, hanc questionem olim usque adeo difficilem fuisse existimatam, ut Carol. Ruin. in auditorio eam reliquerit indissolutam.

XXX.

Quandoquidem Instituti ratio non patitur, ut singula accurate exequar, me latius non diffundam, tanta est enim hujus materię altitudo, & in eâ subtilitatum infinitas, secund. *Jas. supr.*

rubr. ff. h. ut compendiariâ exhaustiri disputatione nequeat. Absolvo igitur juxta illud,

Si finis bonus est, totum laudabile tunc est.

quasi *Ἰμπερεον*, subjiciens quæstionem plus satis, ni fallor, difficilem, utrum nempe nudâ sui heredis existentia tabulæ pupillares confirmantur? affirmaverim cum Huber. *ad tit. Inst. de Pup. subst. num. 3.* & Hunn. *lib. 2. tract. 6. quæst. 16.* propter *l. 12. ff. h. l. 28. ff. de reb. auct. jud. poss. l. 42. ff. de adq. vel omit. hered. l. 44. ff. de re jud. Fac. l. 30. §. 10. ff. de Fideic. libert. &c.* Qui se plenius hâc de materiâ, affinibusque quæstionibus informatos optant, ad *Fachin. Christ. Salic. Sichard. Fab. Hunn. Treutl. Bach. Vinn.* aliosque relego.

XXXI. Vel (si mavis) Epilogus.

Hæc sunt tandem, Benevole lector, quæ specialiter de *directâ substitutione heredis* concinnavi generaliter, quid ego enim hic

— *Complecterer omnia verbis*

Materiâ vires exsuperante meas?

Ignosce, quæso officiosè, & enixim, forsitan crescentibus annis, meliora, bono cum Deo, & ampliora daturò, si quid minus feliciter composuerim, dum haud nescius es

Sæpe graves, magnosque viros, famâque verendos

Errare.

& quidem graviter, potissimè circa *hh. ff. C. & Inst. titulos*: ne hæc ergo mea, quantulacunque, Zoili more, invido, & viperino dente carpas, nam, licet magnis fortassis exciderim ausis,

Qua potui, feci, quod si quis plura requirat,

Consulat ingenio qui meliore valent.

Interea

Nil mihi nasuti noceant, tu livor abesto,

Et tua fac melius, si potes, Invidia.

F I N I S.

SENSIM.

Hono-

Honori, ac Meritis

**D. JOANNIS ADRIANI
BEECKERTS à THIENEN, A. F.**

Materiam Substitutionum pro gradu magnâ
cum laude defendentis.

Fortes creantur fortibus.

Nunc optata dies aderit, quo carmine nostro
Possem virtutes accumulare tuas.
Magna paras, præclara paras defendere, vinces
Subtili ingenii nobilitate tui.
Felix auspiciis primò recludere fontes
Difficiles, parvis invigilasse parum est.
Conscendes Cathedram magnâ cum laude, stupefiet
Tota cohors linguæ verba diserta tuæ.
Patris ad exemplum viaces, præconia cujus
Non possem metris concelebrare meis,
Et Musæ cupiunt proprium te sumere alummum,
Cernentes animi singula gesta tui,
Et Patres spes magna fovet, doctamque Juventam,
Spectantes studii pignora vera tui.
Proxima, Cara patris soboles vestigia magni
Preme solers, vitæ sit tibi norma tuæ.
Nunc mea Musa fugit, nec possum dicere plus, quam
O gentilitiis nobile stemma tuis!

In grata mentis pignus cecini

W. S.

C 3

Ad

Ad Ornatissimum Iuvenem,

**D. JOANNEM ADRIANUM
BEECKERTS à THIENEN, A. F.**

Præclarè disputantem.

Qui Patris egregii vestigia passibus æquis
Et sequeris justo jura, Themimque pede;
Accipe, (qui justo te prosequor omnis amore,
Et totus lætor laudis honore tuæ.)

Quale tuis addam cœptis felicibus omen,

Publica dum ingenii das documenta tui:

Accipe legitimos applausus, accipe veros,

Verbaque, defensis legibus, ista lege:

Magna exempla sequi magni tu perge parentis,

Nec tua fit patrio sanguine fama minor.

Amicus Amico.

Op

Op den selve.

S O O N

Van de noch gemist werdende A D R I A E N.

Ad Augusta per Angusta.

*Soo fiet men, juychende, van Thienens Stam herbloeyen,
Ick wensch: dat Soons verslant tot Vaders toe mach groeyen,*

(Die voor sijn droeve dood heeft honderden geleert,

En door sijn Study van een yder was begeert)

Dat Godt u zegene, en langh wil laten leven,

Dat gy meucht raed, en daed, aen VVeeuw, en VVeefen geven;

Vaert wel dan, en leeft langh, op dat men oock eens mach

U soo nytfteeckent sien, als men u Vader plach.

T. M.

Defuncti quondam Auditor.

Op den 12ten

SOON

Van de noch gemilt wordende A. D. 1717.

Ad Augustus per Augustus

Soort men jachende, van Thienens stam herblonden
ik wensch: dat Soons wylant tot Vaders toe wylt geyen

(Die wylt sijn dierve doochdeft hantelen gelyc)

En doer sijn stuyt van een jach wylt geyen

Wat Gode n. segene, en langh wil liden

Wat Gode n. segene, en langh wil liden

Vader wylant, en jacht langh, op dat men ook eens wylt

U so n. segene, en langh wil liden

T. M.

Defuncti quondam Auditor

